

P R O G R A M M A

IO. HADR. SLEVOGTII, D

IN ACADEMIA IENENSI

ANATOMIÆ, CHIRVURGIÆ ET BOTANICÆ

PROFESSORIS PVBLICI ORDINARI

MED. DVC. SAXONICI PROVINCIALIS

ET CIVITATIS PATRIÆ PHYSICI

De

Fatis Chirurgiæ

LECTIONIBVS PVBLICIS

PRIVATISQVE PRÆMISSVM.

LITTERIS NISIANIS.

P. R. O. E. R. A. M. A.

C. H. A. D. E. S. I. E. V. O. G. T. I. I. D.

IN ACCORDANCE WITH

ANATOMIE, CHIRURGIE ET BOTANIQUE

RECHERCHES HISTORIQUES

DE LA NATURE DES ORGANES

ET CIVILISATION PATRIE PHYSIQUE

DE

Paris Chirurgie

PROFESSEUR DE LA CHIRURGIE

DE LA FACULTE DE MEDECINE

DE LA FACULTE DE MEDECINE



L. S.



Ntequam a Medicis internorum corporis humani morborum scientia peculiaris disciplina constitueretur, & hi externas ægritudines sanandi artem a se prorsus dimoverent, *unus erat toto medicinæ vultus in orbe*, & quia paucarum tantum herbarum cognitione, simplici que remediorum apparatu opus habebant, frequentiusque quam hodie, sæpe in tardiores ægrotorum reconvalescentiam fieri solet, ferro atque igne in debellandis morbis utebantur, omne tempus, quod nostra ætate aliquot millibus nominum auctior botanica, & per accessionem chimix diffusissima reddita pharmacorum præparatio sibi vendicant, Anatomico studio tribuebant. Tantaque cupidine machinæ microcosmicæ structuram cognoscendi trahebantur, ut, cum in demortuis corporibus partes cunctas torpidas, sine motu jacere viderent, nonnulli eorum, inter quos Herophili & Erasistrati fama potissimum ad nos pervenit, maleficos homines, morti violentæ destinatos, vivos inciderent; quo scilicet & quid moveret organa,

na, & quomodo singula moverentur, cognoscerent, & quinam
 ex actione eorum resultans usus esset, certiores evaderent. Cum
 vero jam Hippocratis tempore, ut ex *juramento* ejus liquet,
 vesicæ calculi exsectio, operationum omnium crudelissima,
 non amplius a Medicis, sed a certis tantum hominibus, *ἐργά-
 τῳ αὐτοῖσι* frequentaretur, & postmodum Reges ac Princi-
 pum sanguine sati, medicis exercitiis operam dantes, internis
 potius & venenatis morbis remedia pararent, paucique eorum
 Dionysium Tyrannum, aut Josinam, Scotorum regem, imita-
 rentur, quorum utrumque feliciter affectus externos tractasse,
 illumque alterum posteris occasionem præbuisse, ut Scotiæ no-
 biles vulnorum curationi quoque studuerint, B. ROLF INCIVS
 alicubi testatur: præterea & ipsi Medici aut corporis robore
 non admodum pollentes, aut honoribus atque divitiis abun-
 dantes, artus, ex loco motos, ad pristinas sedes reducere, ossi-
 bus distortis *ὀρθώματα*, fractis integritatem restituere, deinde
 vulnera conglutinare, ulcera mundare, nunc cruore manus,
 nunc sanie collutulare; duros atque nauseosos, nec ingenuo ac
 delicato homine dignos labores judicarent: vendicato sibi καὶ
 ἱερώλει *Medicorum* nomine, quicquid manuum ministerium re-
 quirebat, ad vilioris sortis hominum, quos idcirco *χειρουργεῖς*
 vocabant, occupationes relegabant. Immemores antiquissi-
 mos etiam, & inter numina relatos Medicos, Chironem, Æscu-
 lapium, Hippocratem, horumque filios, manuum non minus
 strenua applicatione, quam prudente consilio, opem mortalibus
 attulisse. Ex quo tempore, & inprimis post Galeni obitum,
 quem & magna diligentia anatomiam excoluisse, & chirurgicos
 etiam labores subiisse constat, fiebat, ut passim, inprimis autem
 apud molliculos Arabes & reliquos Asiaticos, hinc etiam Euro-
 pæos Medicos, humana viscera scrutandi ardor simul tepefce-
 ret,

ret: donec, irrepente sensim neglectu hujus studii, tandem posteriorum Anatomen prorsus averfarentur, adeo, ut hodie per totam Asiam, sedem illam Musarum & priscae Medicinæ celeberrimam, humana corpora secare, piaculum censeatur.

Remanebat itaque fere penes solos Chirurgos pristina secandi industria. Cum enim plerique eorum, veterum Ægyptiorum instituta, ubi singuli morbi singulos Medicos habebant, sequentes, nec promiscue quarumvis ægritudinum naturam indagarent, nec, more quorundam modernorum sciorum, curationem omnium sponderent, sed certis tantum affectuum speciebus studium suum addicerent; hinc illius partis, cujus medelam intendebant, naturam accuratissime cognoscere laborabant, & qui e. g. luxationes atque fracturas tractabant, ossium figuram, situm & articulationem exacte discebant; qui vero catarrhactam deponere, aut calculos extrahere cupiebant, oculorum vesicæque necessariam sibi notitiam, ne temere delinquerent, comparabant.

Enimvero sicut animi mortalium suas vicissitudines patiuntur, & artium incrementa atque decrementa a temporum mutatione & moribus hominum admodum pendere solent; ita nec inter Chirurgos idem anatomici studii vigor semper persistebat. Nam diu equidem, quam modo memoravimus, semel receptam, & ad nostram ætatem durantem consuetudinem sancte servabant, ut tota externis morbis medentium cohors a stricte dictis Medicis distingueretur, nec his, sine illorum invidia & contradictione, manuariam artem, si unicam apud Germanos quosdam foetus extractionem excipimus, exercere liceret. Deinde certæ etiam inter istos sectæ numerabantur, ut, qui tumores, vulnera, ulcera, luxationes & fracturas profitebantur, singulari prærogativa *Chirurgorum* titulum ambirent,

& reliquos, oculorum, dentium, calculorum, herniarumque curam gerentes, *Operatorum* nomine, græcorum ἰργάται, antiquissimo vocabulo, respondente, contentos esse vellent. In eo tamen longissime ab antecessorum suorum moribus recedebant, quod lucro nimium inhiantes, relicta sedulitate secandi, & neglecta omni theoria, cum cuncta a majoribus in corpore explicata esse crederent, soli empiricæ praxi se tradebant.

Cumque Medici etiam epidemico quodam, fervore dicam, an errore, adeo Aristotelis, Galeni, Avicennæ, Rhasisque placitis adhererent, ut ne latum unguem inde discedendum, & Alex. Massariæ judicio, *errandum potius cum Galeno, quam cum aliis sapiendum esse* statuerent, reliquisque omnibus posthabitis, se & officio & auditorio suo satisfecisse putarent, si commentarios paraphrasibus, distinctionesque divisionibus cumularent: actum pene erat de Anatomia, & per longum annorum decursum inculta, & sine ullo incremento, cum manifesto chirurgiæ, imo universæ artis medicæ damno, jacebat.

Donec superiore seculo Divina bonitas insignia quædam ingenia excitaret, ut congruum malo huic remedium opposituri, αὐτοψίαν ἀνατομικὴν in usum iterum vocarent, & plani ore partium humani corporis expositione ineptum autoritatis veterum abusum tollerent, liberamque rectæ rationi judicandi potestatem redderent. Hos inter Andreas Vesalius, ita statuente magno Conringio, *Introd. c. 4. p. 158. quum ingenio pene unico, imo divino natus esset, omnes equidem ante se natos superavit, remque anatomicam penitus collapsam, atque nec ab ipso Galeno satis accurate traditam, primus restituit, atque ad invidiam usque excoluit, unde tantam etiam nominis gloriam est adeptus, ut omnibus post sequutis, admirationem sui reliquerit: haud minore tamen laude digni Fallopii, Hieronymi Fabricii, Paræi,*

Se-

Severini, Barbettæ atque alii videntur; qui & anatomiae fundamenta accurate tradiderunt, & cum hæc disciplina, nisi ad humanæ vitæ usum referatur, speculativæ physicæ pars tantum sit, eam singulari cum industria ad medicinam atque chirurgiam applicarunt. Quæ docendi discendique ratio tanto cum applausu passim recepta est, ut hodie apud cultiores Europæ populos inprimis chirurgia caput adeo extulerit, quantum lenta solet inter viburna cupressus, & non tantum Chirurgi suis tironibus, sed Medicinæ quoque Doctores in Academiis, tam anatomiae quam chirurgiæ præcepta arti Apollineæ consecratis summa cum utilitate exponant, & h. m. vere Hippocratea tempora reducta videantur.

Quod ipsum cum Serenissimi Saxoniae Duces, Nutritores hujus Academiae munificentissimi, Domini mei clementissimi in celeberrima quoque hac divinarum humanarumque artium officina hætenus fieri jusserint, mihiq; una cum Anatomia etiam Chirurgiam, nec non Botanicam publice privatimque docendam injunxerint, merito pro singulari hac clementia devotissimas atque humillimas gratias ago, Deumque T. O. M. ardentissimis precibus imploro, ut tot seculis durantem potentissimæ Saxonicae Domus splendorem ad ultimam posteritatem conservare integerrimum, perpetuaque felicitate & gloria incomparabilem reddere velit.

Quamvis autem humeros meos impares oneri sentiam, nostroque seculo arduum sit, præstare aliquid luce Professorii muneris non indignum; fretus tamen cœlesti benedictione, intrepide mandatum munus subeo. Et quia peculiari Divinæ voluntatis nutui & directioni vocationem hanc unice adscribo, de viribus cum animi, tum corporis, officio meo respondentibus, minime despero. Faxit modo summum Numen, ut conatus
mei

mei in sanctissimi nominis sui gloriam, Academiae salutem & Studiosae Juventutis utilitatem redundant. Hic enim scopus, hic finis laborum meorum erit.

Vt igitur Vos, nobilissimi Philatri, cum fructu chirurgicis demonstrationibus, in quibus publice in posterum occupabor, adesse queatis, partium corporis cognitionem illis praemittere, & *hac astate domi scholas anatomicas* aperire decrevi: in brutis manus vestras exercitaturus, ut, sicubi denuo secandi corporis humani occasio nobis obvenerit, promptiores eas experiamini.

Cumque insuper alma plantarum mater larga manu bona nobis sua in praesenti offerat; non tantum repetitis hebdomatim vicibus, in *Horto Medico* exoticas herbas & mirabiles naturae lusus considerabimus, sed singulis quoque mensibus floriferos per saltus & ridentia certatim prata vagantes, Creatoris sapientiam in creaturarum varietate & admiranda perfectione venerabundi agnoscemus. Adeste modo frequentes, o charissima capita, & discendi desiderio atque ardore Doctoris vestri studium excitate! quem, ut vestris, filiorum artis, utilitatibus serviat, nunquam non paratum alacremque deprehenditis. P. P. Jenæ, d. IX. Junii, CIO MCC XCV.

